

## ÁKVÖRÐUN FRAMKVÆMDASTJÓRNARINNAR

frá 17. júní 1998

um sameiginlega tækniforskrift fyrir færanlegar jarðstöðvar til fréttáöflunar um gervihnött (SNG TES) með tíðnisviðin 11-12/13-14 GHz(\*)

(tilkynnt með númeri C(1998) 1609)

(98/517/EB)

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af tilskipun Evrópuþingsins og ráðsins 98/13/EB frá 12. febrúar 1998 um endabúnað til fjarskipta og búnað fyrir gervihnattajarðstöðvar og gagnkvæma viðurkenningu á samræmi þeirra <sup>(1)</sup>,

og að teknu tilliti til eftirfarandi:

Framkvæmdastjórnin hefur samþykkt ákvæði um það fyrir hvaða gerð búnaðar fyrir gervihnattajarðstöðvar sameiginleg tækniforskrift skuli gilda, svo og tilheyrandi yfirlýsingu um gildissvið.

Samþykkja ber samsvarandi samhæfða staðla, eða hluta þeirra, til framkvæmdar grunnkröfunum sem breyta á í sameiginlegar tækniforskriftir.

Sameiginlega tækniforskriftin, sem samþykkt er í þessari ákvörðun, er í samræmi við álit samþykkisnefndar endabúnaðar (ACTE).

SAMÞYKKT ÁKVÖRÐUN ÞESSA:

1. gr.

1. Þessi ákvörðun gildir um búnað fyrir gervihnattajarðstöðvar sem fellur undir gildissvið samhæfða staðalsins sem um getur í 1. mgr. 2. gr.

2. Með þessari ákvörðun er mælt fyrir um sameiginlega tækniforskrift fyrir færanlegar jarðstöðvar til fréttáöflunar (SNG TES) með tíðnisviðin 11-12/13-14 GHz.

2. gr.

1. Sameiginlega tækniforskriftin tekur til samhæfðu staðlanna sem hlutaðeigandi staðlastofnun hefur samið til framkvæmdar grunnkröfunum sem um getur í 17. gr. tilskipunar 98/13/EB að því marki sem við á. Tilvísun í staðlana er að finna í viðaukanum.

2. Búnaður fyrir gervihnattajarðstöðvar, sem fellur undir þessa ákvörðun, skal vera í samræmi við sameiginlegu tækniforskriftina sem um getur í 1. mgr., skal uppfylla grunnkröfur sem um getur í a-lið 5. gr. tilskipunar 98/13/EB og uppfylla kröfur allra annarra gildandi tilskipana, einkum tilskipana ráðsins 73/23/EBE <sup>(2)</sup> og 89/336/EBE <sup>(3)</sup>.

3. gr.

Tilkynntir aðilar, sem eru tilnefndir til að koma í framkvæmd málsmeðferðinni sem um getur í 10. gr. tilskipunar 98/13/EB, skulu, að því er varðar búnað gervihnattajarðstöðva sem 1. mgr. 1. gr. þessarar ákvörðunar tekur til, beita eða tryggja beitingu samhæfða staðalsins, sem um getur í viðaukanum, eftir gildistöku þessarar ákvörðunar.

4. gr.

Ákvörðun þessari er beint til aðildarríkjanna.

Gjört í Brussel 17. júní 1998.

Fyrir hönd framkvæmdastjórnarinnar,

Martin BANGEMANN

framkvæmdastjóri.

(\*) Þessi EB-gerð, sem birtist í Stjtið. EB L 232, 19.8.1998, bls. 12, var nefnd í ákvörðun sameiginlegu EES-nefndarinnar nr. 108/1999 frá 24. september 1999 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalaganna.

(<sup>1</sup>) Stjtið. EB L 74, 12. 3. 1998, bls. 1.

(<sup>2</sup>) Stjtið. EB L 77, 26. 3. 1973, bls. 29.

(<sup>3</sup>) Stjtið. EB L 139, 23. 5. 1989, bls. 19.

## VIÐAUKI

**Tilvísun í gildandi samhæfðan staðal**

Samhæfði staðallinn, sem vísað er til í 2. gr. ákvörðunarinnar, er:

Satellite Earth Stations and Systems (SES);

Satellite news gathering transportable earth stations (SNG TES) operating in the 11-12/13-14 GHz frequency bands

(Gervihnattajarðstöðvar og -kerfi (SES):

Færanlegar jarðstöðvar til fréttatöflunar um gervihnött (SNG TES) með tíðnisviðin 11-12/13-14 GHz)

ETSI  
Fjarskiptastaðlastofnun Evrópu

Aðalskrifstofa ETSI

TBR 30 — desember 1997

(að undanskildum formla)

**Viðbótarupplýsingar**

Fjarskiptastaðlastofnun Evrópu er viðurkennd samkvæmt tilskipun ráðsins 83/189/EBE <sup>(1)</sup>.

Samhæfði staðallinn, sem vísað er til hér að framan, er saminn samkvæmt umboði sem gefið er út í samræmi við viðeigandi málsmeðferðarreglur tilskipunar 83/189/EBE.

Unnt er að fá orðréttan texta framangreinds samhæfðs staðals með því að snúa sér til:

Fjarskiptastaðlastofnun Evrópu,  
650, route des Lucioles,  
F-06921 Sophia Antipolis Cedex

Framkvæmdastjórn Evrópubandalaganna,  
DG XIII/A/2 — (BU 31, 1/7)  
Rue de la Loi/Wetstraat 200  
B-1049 Bruxelles/Brussel

eða einhverrar annarrar stofnunar sem annast afhendingu ETSI-staðla en skrá yfir þær stofnanir má finna á Netinu á slóðinni [www.ispo.cec.be](http://www.ispo.cec.be).

<sup>(1)</sup> Stjtið. EB L 109, 26. 4. 1983, bls. 8.